

烟

草

譜

烟草譜卷五

古體詩

徐震脩卓峯

江南草色青江北愁思絕雙鬢紅雲卷單衫紫絲
結綿綿碧草路離愁渺難訴昨夜起相思飛鴻鳴
遠樹樹下立躊躇含悲泣路隅開門郎不至出門
采芭菰采采對荒圃花葉交相舞歡道芭菰淡儂
道相思苦相思減紅顏盡日倚闌干抽刀斷金絲
金絲熏若蘭蘭香置懷中無言閉綺櫳望郎郎不

至駘蕩逐春風春風悲蕩子別恨何時已腸斷月
明中淚揮清露裏含淚問歸期思心常依依芭菰
淡似水行人知不知

諸錦草廬

我性不嗜烟六十始愛烟是名淡芭菰見之姚旅
編方寸多塊磊以烟全其天一吸四體和悠然見
神全摧剛化爲柔利方以爲圓五味近乎辛養恬
茲取憐餐霞自有客吐火寧無仙醉鄉不到此那
識羲皇年

錢大昕竹汀

小草淡巴菰得名蓋未久移栽始閩嶠近乃處處
有烈日炙葉乾黃絲細如絙筠筒烟一縷相習以
口受肺腑非鐵石火攻奚可狃奈何今時人嗜此
不去手糜財更妨功濫觴起誰某安得拔其根厄
苗種千畝

張翔鳳

閩囡手攜三尺鋤囊裏幾粒淡巴菰逢人說烟鼓
隴胡一筒抵得酒一壺亦不飲食筋骨舒種烟之

利與禾殊種禾只收利三倍種烟還獲十倍租沙
田種烟烟葉瘦山田種烟烟味枯根長全賴地肥
力氣厚半藉土膏腴越人嗜烟如嗜鼠寧可朝爨
缺不厨黥者招困充力作上田百畝種九區可憐
力薄苗葉短不似烟葉高扶疎憎苗愛烟戶相告
老農傍睨欲色癰吁嗟老農勿健羨此物鳩毒奇
莫居食多積日煩剗殺肝腎焦灼勞醫巫棄灰往
徃成失火焚燒廬舍殃池魚我聞前明有厲禁稍
因瘴卒寬其誅無米令人俱餓死無烟豈遂傷毛

膚昔年眼見鬻烟賈掘田築室穿清渠比來米價
真大貴里中惡少攫肉烏太倉捫米一掬珠陳腐
爭噉如花猪種烟利厚趨者衆有田不稼將何如

朱邦垣梅籜

高堂席地紅氍毹鷓鴣香蕪黃金爐客來無語花
語亂請君爲唱淡芭蕉芭蕉淡處人爭慕洋舶收
來始散布托土香依茉莉花分秧影射波羅樹
昔漳泉傳馬家先春抽出辛薑芽碧浮暑露千株
葉紅入秋風幾穗花花開不上雙雲髻綠葉層層

光朗潤轉碧迴黃數日間匠人巧製傳芳訊
纏綿裁作絲人間從此重相思朝朝消受情何限
日日相思有六時美人寂寞貯金屋階前栽就觀
音竹角枕鴛鴦繡乍停宣爐龍鳳香初馥分得星
星爍火薰異香那許外人聞垂將湘女窻前箔留
住巫峯夢裏雲雲飛是處迷輕靄幽人閒坐偏無
賴蘭子分來着意然絳囊收得輕垂帶絳囊蘭子
總堪憐非霧非花妙莫傳客至正當茶未熟帳開
常憶夜初眠少年別自饒風韻金鑲玉管長相近

吐傍花梢乍有痕淡遮月下微含暈聞道傳芳遍
九邊引人何處不流連醺心夜伴葡萄酒破冷晨
隨翡翠羈浦城閩地紛難記奈糖葢露爭名字南
海檳榔未足誇東籬桑落空教醉日夕相思不厭
頻容顏無奈暗銷春歌成寄語相思子第一相思
最損人

徐以升階五

仙山產靈草種實繁有徒一物生島嶼厥名淡巴
菰傳流內地漸滋蔓地利奪盡千膏腴斑斕拂拭

湘竹簪金絲細揉閒吸呼初如篆烟輕裊裊百和
乍起金香爐旋如鎖囊開兩角騰騰繞屋雲模糊
南榮負暄春得酒辟寒除穢病骨蘇文瀾武庫藉
觸撥心源一一開縈紆舟中馬上孤客枕味無味
處還啜餽芸窗兀坐風雨候睡魔欲併愁魔驅女
郎近亦弄狡獪芬芳吐納含櫻珠白雲一片雜蘭
麝馥郁時露冰雪膚襄陽小兒不解事銅鞮唱罷
爭時趨一錢買得恣噴薄渾如沙雁銜霜蘆何年
蓄產此尤物薰肌入髓無處無漁洋山人精考核

露書載出東南隅韓公文筆妙天下癖好亦復同
尊壺品題聊借玉堂雋逞妍拙秘爭形模前輩風
流愧難繼作歌聊爾充吳歆

徐玉璫渭田

伊高麗之奇產乃番妃之英魂味辛辣而覺寒兮
性去穢而溫磨氣遠揚而條暢兮狀如絲而紛緜
佐茗椀之清冽兮實解醒之殊珍俾登薦兮嘉賓
吸微醺兮眉顰旣調忿兮滌煩復止悲兮怡神慙
我總之具美兮非摘藻之能陳攷露書之所紀兮

袞呂宋之絕倫茲聯吟以贈巧今漱餘味之津津
吐錦心而張繡口今當與茶經荀譜而爲鄰

諸 聯晦薈

烟草種傳自宋外花似海棠葉似菜日中巧製製
成絲暴乾等向漳泉賣漳泉馬氏更傳名辟瘴消
寒最有靈石馬余糖分次第金絲辣麝記分明不
向靈均問醉醒不羨君謨門香茗餘韻能教舌底
存孤燈寧放殘灰冷燭火星星徹夜薰噴從鼻觀
繞烟雲香分蘭蕙花初放味勝葡萄酒半醺幽人

自號餐霞客手執琅玕不忍釋潤帶蘇膏味共甘
清和蘭屑香堪匹亦有佳人字莫愁無聊日暮心
悠悠錦囊繡鳳藏香袖筠管鑲牙倚畫樓笑問相
思味多少相思滋味終難道芳名爭說返魂香碧
苗競指忘憂草余自年來愁未鋤朝朝笑買黑於
菟不識龍耕有瑤草含毫且詠淡巴菰

楊大春士補

有手不執鐵如意有手不捉玉麈尾但握湘筠吸
縷雲絕似茗柯有實理心火豈因外火然青霞一

口嚼芳鮮胸中柴棘久化盡煖氣習習歸丹田此
中空洞千卷儲淡芭菰妙同於書頻頻入口了無
得繼乃至味來徐徐乾坤清氣入胸臆吐納萬象
供卷舒詩魔暗黦睡魔攬藉此兼以書驅除其餘
人嗜我非嗜那識瘡痂如鰕魚

五言律詩

查慎行初白

本業拋農務羣情逐貿遷
刈藍初用染屑草半爲
烟樹藝非嘉種膏腴等廢田
家家坐艱食那得屢
豐年

陳元龍廣陵

神農不及見博物幾曾聞
似吐仙翁火初疑異草
薰充腸無滓濁出口有氤氲
妙趣偏相憶縈喉一
朶雲

異種來西域流傳入漢家醉人無藉酒欸客未輸
茶蒸合名承露囊應號辟邪閒來頻吐納攝衛比
餐霞

細管通呼吸微噓一縷烟味從無味得情豈有情
牽益氣驅胡霧清心却晝眠誰知飲食外別有意
中緣

清氣滌昏憒精華任咀含吸虛能化實嘗苦有餘
甘燭火寒能却長吁意似酣良宵人寂寞藉爾助
高談

張 棠吟樵

何處相思草烘乾卵色天最宜消飯後亦可助尊
前竹葉偏輪醉露芽還待煎碧筒聊借引呼吸任
高眠

沈德潛歸愚

八閩滋種族九宇徧氤氲筒內通炎氣胸中吐白
雲助薑均去穢遇酒共添醺名蓋露者可以醉客就火方知
味寧同象齒焚

曹錫端菽衣

生來薑欲老味去果方青有氣回寒谷如雲蔽遠
星戒難同酒誥品可續茶經鼻觀憑空火凌晨醉
未醒

王丕烈東麓

幾枚看葉葉一縷白青青消渴偏從火禁寒可戴
星味何諧末俗名豈著遺經雅許偕茶戰還宜伴
酒醒

陸瀛齡柳村

豈是金華殿爐烟篆字青九霄吹玉琯一點象台

金理天和

時時吞吐處繚繞似雲青細縷縈輕靄圓灰墮小
星何須作酒頌不必著茶經既使醒能醉還令醉
可醒

石氏墳邊草時人盡眼青輕啼如吐霧細吸擬吞
星聖代初輸賦前修未著經暫教成薄醉不似
酒難醒

沈心醇匏尊

四月分畦種園丁識歲華綠韃侵藥壠黃葉遍村

家試火香畱篆聯吟語帶霞溪雲暉隔面繚繞欲
生花

孟 啓墨農

擷茗分泉試餐霞
蕪火嘗氣融胸際
暖津潤舌根
香輕吸雲絲
碧頻揉金粉
黃悶來聊藉遣
敢擬養生方

飢餐渴飲外
需此竟時時
吹氣含空味
回甘到淡
思羶猶辛得
解溫與胃偏
宜疑薦碧甯
酒醺然不
自持

王永椿方干

便有氤氲氣飛來閩嶠青種成只多葉掃落酒旗
星雲老東坡屋茶芟陸羽經年年呼吸客貪醉不
求醒

朱一飛玉堂

最愛相思草根從呂宋傳靜消千障霧閒靖百蠻
烟味在酸醎外香生酒名前藝林如補植溫飽此
中全

曹錫賁劍亭

那知世味外別有味堪嘗一自吹噓慣羣誇齒頰
香雲霞生戶牖談笑帶雌黃轉怪醫經陋探按未
著方

酒渴更殘後寒深夢覺時與君常作伴而我最相
思功豈旗常敵名參麴蘖宜何人不知味異議漫
爭持

高 澍說霖

瑞草味何淡偏于呼吸宜翠筠如共命紅豆等相
思旅館懷人夜寒窗覓句時睡餘聊一嚏爽氣沁

心脾

乍晴香乍熱卯飲酒初醒解悶添清韻奇功補內
經已噴烟作霧還戀火如星對客閒譚久蓮翻舌
本青

王鵬飛

劇喜芭蕉草相思不忍捐薰蕕原各判佩帶自常
懸忽觸星星火旋生淡淡煙閒來握銀管日費幾
青錢

胡然季諾

致此日殊方偏宜帶火嘗拈裝斑竹管撮聚紫羅
囊堪助談諧趣能增齒頰香辟寒同麴蘖解渴勝
茶湯有客常充饋無風亦自揚晴窗雲靄豔午榻
霧蒼茫裊裊紫珠箔霏霏繞畫梁不煩金鴨吐蘭
麝已盈堂

翟 灝晴江

耕地栽瑤草能令四德俱占肥同黍麥望影接菱
蒲載採香何烈云黃葉已枯縛箱通遠賈懸旆售
通衢柿削堆初積絲分縷不塵輕柔搓柳綾瑣碎

落金麝蘭屑紛攪和蘇膏暗沁濡慕羶情自切嗜
炙性無殊費薄錢挑杖饒深唾漬盂細筒裁竹箭
夾袋製羅縐佩或隨鳴玦攜常倩小奴鍤金抽篋
簞律管實葭苧藉艾頻敲石攢灰尙撥爐乍疑伶
秉籥復效厖銜蘆墨飲三升盡火騰一縷孤似矛
驚談發如竿見花敷苦口成忠介焚心異鬱紆穢
兼岑草亂醉擬碧筍呼焦爍寧生渴咀含漸得腴
清醕忝鼻觀沈瀼潤隴胡勾訝吞刀並寒能舉口
驅餐霞方執秘厭火國非誣綈髮霧徐結盪胸雲

疊鋪積青疑斗室橫碧藻紗幘七灼心除疾三巢
胃滌汚含來思邈邈策去步于于欵客猶先茗澆
書不待醺澀回嘗橄欖疫辟浸菜莢洱海諸糧紬
番禺蒟醬輸作騷多賸馥採藥早遺珠郭璞箋仍
缺嵇含狀芡摹滇南功獨奏閩台路羣趨種未周
三甲風先布八區相思名旖旎呵應語模糊損益
人憑說辛芳爾不渝詩腸感無育吟謝淡巴菰

陸 煊子章

異種空前古巴菰九域單靈根繁海外移植自漳

南吳普何曾識桐君亦未探音猶遺李珣狀併闕
稽含花鏡形初指露書名稍諳邊庭庸或賴黔首
總全眈並筏魚鹽逐連塍桑苧參利多拋稼穡作
苦罷原蠶時藝渾同菜沽濡每藉泔青葱臨夏陌
紅艷照秋潭似茗收盈屋如菲牙滿籃十分勤剪
剔一月廢玃簪打綠需時再罨黃計日三曝乾便
夾竹取潤合裝甌品記金絲字香聞翠蓋談牙行
各估值販客動論擔村落仍開市征途偶駐驂壓
牀分縷縷貯盒競甃甃活火粘絨易斜陽引鏡堪

滇銅憐閣麗湘管逮丁男麝散還紫篆雲成更結
曇結腸生別趣饒舌得回甘味愈清茶列功殊中
酒酣果能消塊壘真箇緩憂悵辛辣寧須桂調和
絕勝甘烈愁潛草蜨芳辟蠹衣蟬凍夕蘇寒沍蠻
鄉敵瘴嵐久餐防灼肺勿藥定驅痰浩劫殘灰滅
相思寸燼涵返魂如有術衆醉不妨貪

柴才次山

故園烟草色

李商隱

惠我在招呼

孟浩然

已賴陽和長

張友正

常看氣味殊

白居易

既能甜似蜜

李端

實有醉如

愚杜

結蓋祥光迥

林

舒華瑞色敷

柳宗

每懷勤握

手

崔

斥去亦須臾

元

逸致哦秋水

孫日

閒雲無日

無

張

胡玉樹崑秀

閩貢饒煙草仙苗布種生焙雲芽竹葉切玉截蘭

英挹潤青囊貯揉芳紫榼盛筒裁牙管淨液咽露

華清小院荷風送疏簾麝氣迎水沉原異品鼻飲

更磬名爐燼香猶裊燈殘火獨明芸窗吟思健呼

吸一身輕

陸之龍鼎木

小草來西域惺忪製獨奇
打包箱滿貯切玉屑輕
篩炎瘴誠堪碎嚴寒况可治
未經償酒債又費買
山貲入市頻勞我排愁摠賴伊
日乾嫌力薄霧積
怪烘遲漫道相煎急居然與俗宜
分甘寧顧唾炎
上勿燃睂氣自喉間吸風從鼻底吹
探囊情復尔
搗管興隨之茅拔心如結灰殘手肯離
氤氲生齒
頰溫飽及肝脾嚼火誰饒舌餐霞慣解頤
料知無
甚味暫別卽相思敲石三生契呵雲四面垂
濃將

薰甲帳暖不焚丁皮頃刻消金粉繽紛續錦絲繡
腸名士熱鈿盒美人貽辨性通薑桂流膏勝醴飴
非茶偏療渴無米亦充飢曉夢婆催後清談客到
時胸襟能湯滌臭味詎差池酷嗜真成癖忘憂莫
笑癡願陪蘭室裏聊當攤香拈

烟草譜卷五

烟草譜卷六

七言律詩

青浦陳琮愛筠輯

恒 仁月山

異俗誰傳遍四垂紛紛茹苦勝含飴爲貪雲霧生
衣細不藉壺觴畱客遲銀管幾燃渾致醉烏絲一
縷欲忘飢韓公愛酒難兼得笑煞沈吟去取時

許 虬竹隱

寒鐙吐藥客蒼茫手簇金絲佩一囊水陸味空諸
品錯將輕暖入九迴腸杯間竹葉還同醉笛散梅

花豈同陽熙食年來隨地起藉他馬上禦風霜

汪師韓圩懷

移根呂宋始何年芳草從新拜號烟匹馬就韁歸
漢壘一軍提鼓入蠻天漸教禁權權豐幣競以吹
噓費壯錢荼苦南中空紀錄酪以人久薄春泉
瑤草耕烟歲取資黃雲葉葉柳絲絲茅柴霽景編
籬薄筐篚宵分析縷遲風俗小函盛滿把火傳重
暈結相思傾心還有壺公在鼻觀通參出愈奇
龍巖石馬外諸餘于橐于囊聚物殊食籍數浮黃

矮菜詞林名重淡巴菰三餐果腹初虛口五字微
吟正惜鬚攜取及時供絡繹并申僮約古從無
偶共香燒性已諳一枝燐炤手頻擔方言有底爭
衡酒詩境無聊作配藍噓氣憑依吞篆少熏心虛
美落灰慙不知通介誰邊得暇牙芸編佐筆談

毛思正海客

礪田曾見碧苗滋細髮薰成好護持暗啟緇囊翻
露葉輕拈筠管簇金絲最宜酒暈微酣後看取蘭
芬乍煖時一自余糖灰漸冷柔腸無限繫相思

趙

雲甌北

淡芭味不入鹹酸偏惹相思欲斷難豈學仙能吸
雲霧幾令人變黑心肝噴浮銀管香驅穢暖入丹
田氣辟寒贏得先生誇老健鼻尖出火駭旁觀

李大恒枏友

金縷拈來百和香燈前風味貯青囊芬流齒頰餐
霞客酣入心脾辟穀方繞榻徐徐醒旅夢侵簾裊
裊引詩腸爍已喫水張超霧可比筠筒醉一場

張世昌兆田

露葉熏乾剪作絲。余糖風味最相思。乍含筠管植
心破。頻啟羅囊。玉手持。吸取雀爐紅火小。噴來鼻
觀碧雲遲。磳田一種巴菰草。供我微酣薄醉時。

高世錨小雲

遼海傳來翠一叢。醃醃鼻觀已灌通。餐霞不用凌
晨起。就煖無須近夜烘。光映瑤盤金葉縷。香攜綠
袖綠筠筩。農皇若蚤親嘗徧。割取良苗地幾弓。
下種何須問老農。平畦薶靡綠雲重。味分雨後高
低葉。色辨風前長短茸。蘭佩一囊含潤貯。花牋五

采帶香封住名會號相思草恠底相思分外濃
會傳馬氏新標製萬里分攜大小邦名自前朝誇
第一種來天在擅無雙縣旌近傍娉婷市遺馥遙
吹窈窕窻觀我朶頤簾下過幾人淹袖望風降
牀頭鵲尾剩餘溫小坐含烟靜掩門玉盒藏來千
縷潤鏡屏行處一痕昏看花選石和香咽移榻臨
池對墨噴我欲夢中傳品格裕陵羅漢十三尊
睡起慵施金步搖綠窗一簇手拈燒笑揩鸞袖香
生唾醉上桃腮紅暈潮絕勝文君閒對酒休誇羸

女善吹簫此身願化爲雲雨晨夕氛氲傍翠翹
酒頌茶經此又添朝朝研北置瑤匳飲衣風日功
同稼車馬江淮富擬鹽曾返片魂歸寂寞却從一
竅得香甜从今似握湘東管五色雲中信手拈

吳文徽德音

迥異支離地踏菰懸知佳植此間無古稱益露來

方外

蓋露烟名

今人芬吹繞座

滿閩人呼烟袋爲芬吹

客至歡呼

通欵洽醉時噓吸足清娛相違片刻相思甚一縷

情懷埒友于

顧 吟蘭塘

小葦何曾借齒牙
桐君藥性玉川茶
破除瘴雨荒
椰樹消受春風
荳蔻花只有清談能待客
不因善釀始名家
窮來縱使晨炊斷
爲女兆錢費畫叉
蘭絲一樣翠
纖纖位置碁枰
與書函噓氣畧存雲
意思唾香應兒鶴
憎嫌燒餘椒桂心
原熱臥到藤蘿夢亦甜
此後吟髭容漫撚
晴窗不畏攷詩嚴

姚嘉謀雲谷

細撚金絲帶淺黃
一團採取紫羅囊
饒他吞吐烟

霞氣倩我吹噓齒頰香味到空空剛瞬眼裊來曲
曲出迴腸閒時儘有撩人趣暑惹氤氲入醉鄉

紀氏聯句詩

自敘畧云烟草之於今為盛然名賢題詠苦乏流傳余少解

韻語曾與兄仙岩妹吟房家庭唱酬偶拈是題

聖火網緼自昔傳

紀兆芝

分明是草卦名烟製成一

味堪消穢

紀兆蕙

不食多時豈遂仙琢句彩霞生管

上蓮

紀兆

停樽看霧滿筵前祛寒解鬱兼除瘴

兆芳好

倩瀟湖補舊編

兆蕙

· 駱存智織峯

小草知名近始傳含咀香散玉堂烟怡神不減餐
霞客幻彩翻疑吐火仙消我閒愁明月下助人詩
興晚風前君家棣萼工題品尤美才高咏絮編

姜令訪鶴溪

薦菸北地舖名傳南國人家盡作烟細切縷絲分
異種品嘗氣味欲登仙飯餘捻管通脾裏茶罷噓
雲起席前引取謝庭詩思軋吟成四韻萼村編

寶國華徽軒

佳種原從異域傳巴孤雅品俗呼烟噴來縹緲雲

生坐吸盡繽紛露滴仙解鬱宜和乘霧下忘飢破
悶佐筵前若教紅袖憑欄立引得相思入豔編

顧光洊園

小草何來牒譜傳呼童買得日噓烟韻流湘管溫
開鬱香入詩脾醉欲仙有味宜人薰酒後多情款
客奉茶前相思一種難拋處從此新吟足綺編

蔣詩庭韻菴

芭蕉肇錫令名傳別號相思裏細烟一縷氤氲出
寸管五雲縹緲接飛仙慣隄高士烹茶後曾倚佳

人醉酒前老我未能消永晝小窻時伴檢芸編

范有筠禮庭

桐君著錄未旨傳海外移永識是烟行遍九州無
不嗜吸由一管擬通仙遺響玉貌清還露輕擁晴
絲却復前遙憶蓬壺能種石餐餐遺法紀瑤編

董永攀丹崖

天生瑞草待人傳海上巴菰俗日烟吹起塤簾詩
並秀吟來閨閣句疑仙香飄紉繆卿雲外妙入氤
氲醉月前花譜茶經都數見新刊小雅一家編

周 融晴川

粗枝大葉競相傳少借吹噓作瑞烟暖入齒牙方
勝酒香清肺腑欲通仙數重霧散畱賓後幾片雲
生得句前從此品題江海遍不須方外索遺編

潘世恩芝軒

淡巴菰種自誰傳佳品駢羅島碧州管慣生花人
有癖雲成噓氣草疑仙篆飄一縷停盃後香送連
番瀛茗前吐紅英華供琢句從今詠物譜新編

葉 藩古渠

仁菑攜來製廣傳未經火山卽名烟灰飛可是因
吹管醉味渾如已得仙學士最宜吞篆際幽情閒
點撻雲前從今菽圃多珍重果號寧惟小識編

趙文楷介山

種自前朝馬氏傳噴來如霧亦如烟管分呂宋腸
能醉吟到香闌句欲仙不藉檳榔消食後聊偕茗
芽佐筵前露書花鏡誇嘉話剩有新詩續舊編

陸言心蘭

一枝瑤草露書傳海外呼龍種紫烟石火敲寒香

欲醉蘭雲吹暖望如仙吟懷助我銜杯後風味撩
人試茗前聞道金絲真瑞品相思重爲檢芸編

馮 培寶菴

餐霞吸霧法誰傳斗室俄看繞篆烟堪配茶經畱
上客不辭火食作頑仙抽思緒尋詩外納爽功
開中酒前添得凌雲新詠在謝家芳草一時編

吳錫麒穀人

相思渺渺味難傳紫玉真疑魄化烟小草蔓延愁
奪稼輕雲可吸學游仙消寒半在蒙衾後取醉濃

於被酒前嗜好鰕魚評莫定幾人曰下剩吟編

沈光春山漁

千絲萬片製初傳寒食何妨不禁烟晨夢乍醒先
握管香魂可返卽登仙因知味在陵城外最愛情
添詩酒前今日謝家珠玉出合

續新編

羅長庚西嶢

九曲靈芝祇浪傳何如園草織輕烟濃分瑞霧荷
缸側細吐清香竹架前對客漫誇婪尾酒餐雲不
減地行仙閒窻新訂羣芳譜百草都應載後編

陸夢弼容齋

清奇異品妙難傳
小草敷榮亦號烟
擗管呼時雲縷碧
含香咀處玉神仙
攜來最稱晴風下
取去還宜曉霧前
未兒有情誰遣此
如將佳味詠新編

顏廷曜質民

辨得清奇味可傳
漫敲石火吸雲烟
獨吟半藉吹噓力
對奕如看縹緲仙
不比燃藜驚閣內
直教吐氣達階前
謝庭自此成佳詠
畱與熙朝博學編

郭乾研漁

一卷新詩得未傳閒情別寄草中烟畱香直悟聞
思地食火何嫌姑射仙自有酸臠來味外更無塵
空到花前從茲筍譜茶經後好與羣芳補異編

邛 登香樵

仁草羣知海外傳吹來如霧復如烟芳名八角香
疑夢花氣三分醉欲仙詞客夜涼攜案畔美人春
困倚牕前閒情一種憑誰識我媿聯吟棣萼編

朱 鈺二如

小草珍從名士傳嶺南嘉產號爲烟清香噴處雲

生屋新詠投來句欲叫有客供將烹茗後拈題待
爾彩毫前箇中畢竟何滋味翻盡瀕湖釋性編

羅錫祚蘭友

誰攜荒徼種遙傳香艸細細化作烟豈信流芬能
徧戶也教服氣可如仙蘭吹淅淅疎簾外絨唾津
生倦榻前贏得謝庭新詠好不須典故覓陳編

周心維玉持

物經吟咏更堪傳人尙清言盡睹烟味達詩脾能
醒酒香通蘭圃欲登仙題聞世刻諸書後種自天

生百草前從慶紀庭園瑞靄淡芭蕉句出新編

陳壽祺恭甫

未是仙人便海霞一痕噴祿上窗紗最能許茗還
銷酒全欲捎風却泥花清簾疎簾不見乾荷漏
麝認都差祇應迷迭堪相亞鴨子爐邊寶篆斜

姚淵

小草無端化作煙乍經離火已飄然閒偕賓客陪
清茗願共雲霞上碧天吐納不差蘭臭味芬芳終
待口流傳漫嫌一縷雲情薄擬與爐香結夙緣

紀兆芝仙巖

芳園有草號相思道是如蔬不療飢客到華堂纔
坐後朋來書館倦談時却教饞舌甘能得豈似天
葩吐亦奇莫說巴菇功甚細清齋也可伴庖爨

紀兆蕙蓉圃

海邦佳品夙云良無味之中味更長噴出口邊雲
輟豔衝來鼻觀氣芬芳豈同甕菜堪供饌漫比金
諸可救荒自笑年來也愛此消閒倦榻總難忘

紀兆蓮吟房

金絲奇品競相誇吐納人餐日月華真有清芬畱
齒頰何妨乞火到山家醇醲疑饌麻姑酒馥郁如
烹穀雨茶莫怪今時多爾愛年來栽植倍桑麻

姚 洵問匏

別題香草祇空描新附羣芳目乍標拈出小團如
灼艾帶些微辣似焚椒欲宜燥濕重重裹爲辨薰
蕕細細燒怕我詩腸溫不暖一空清氣又飄飄

楊受廷虛谷

淡巴菰號最先傳又道相思草是旃嘉種攜來

異域肥苗栽處識良田金刀迸落絲惟細玉管中
通象質圓吐納細縕迴肺腑品嘗滋味辨媿妍香
如蘭蕙真多趣醉擬醍醐便欲仙也助文人成錦
繡能于邃室起雲煙驅寒辟穢功爲大遣睡消愁
術曰賢那論晨興和夜坐偏宜酉後與茶前頻敲
石火寧辭倦自佩荷囊致可憐別有新奇勞鼻觀
翻因變化引壺泉專家列譯居常倍析類分名譜
待詮請看嗜同原八九今時雅尙豈徒然

歸懋儀佩珊

誰知渴飲飢餐外小草呈奇妙味傳論古忽驚窓
滿霧敲詩共訝口生蓮線香燃得看徐噴荷柄裝
成試下咽縷繞珠簾風引細影分金鼎篆初圓筒
需斑竹工誇巧製藉塗銀飾逞妍兒席沾來常伴
筆登臨攜去亦隨鞭久將與化噓還吸味美於回
徃復旋欲數淡巴菰故實玉堂久已著瑤篇

烟草譜卷六

烟草譜卷七

絕句

吳偉業梅村

含香吐聖火碧縷生微烟
知郎心腸熱口是金博

山

梅村新翻子夜歌張如
哉曰第二首就烟草

方文爾止

清晨旅舍降嬋娟
便脫紅裯上炕眠
傍晚起來無

箇事一回小出一箇烟

尤侗悔菴

起捲珠簾怯曉寒
侍兒吹火鏡臺前
朝雲暮雨尋常事
又化巫山一段烟

烏絲一縷賽香荃
細口櫻桃紅欲然
生小粧樓誰教得
前身合是步非烟

剪結同心花可憐
玉唇含吐亦嫣然
分明樓上吹簫女
彩鳳聲中引紫烟

天生小草醉嬋娟
低暈春山髻半偏
還倩檀郎輕約住
祇愁紫玉去如烟

斗帳熏篝薄雪天
泥郎同醉伴郎眠
殷勤寄信天

台女莫種桃花只種烟

彤管題殘銀管燃香奩破盡薛濤箋更教婢學夫
人慣伏侍雲翹有裊烟

楊守知次也

白石敲光細火紅繡襟私貯小金筒口中吹出如
蘭氣僥倖何人在下風

董偉業恥夫

不惜黃金買妓童口含烟送主人翁看他呼吸關
情甚步步相隨雲霧中

繆 良蓮仙

無端玉漏觸離思香燼茶溫欲曉時拚得終宵眠
不穩起尋湘管吸金絲

汪東鑑竹鄰

見人佯避又遲遲白嫩新來小婢兒也識箇中滋
味美竹烟筩吸細香絲

祝德麟芷塘

草中煙草昔時無題目鮮新體格殊倘舉鷓鴣胡
蝶例芳名應屬淡巴菇

潘汝炯石舟

二者何先去酒壺韓公昔賦淡芭蕉而今又讀新
詩句萍水相逢在鑲湖

顧 皋晴芬

一家才藻擅吟場七字詩成涸車骨不是詞人多
慧舌箇中真味本來長

龍涎香詠淡芭蕉樊榭山人絕妙詞此後繼聲誰
許並西湖新製紀家詩

蔡春雷雲卿

淡芭蕉草白宜時弱翠鏤成斑竹枝一種閒愁消
未得酒闌夢醒最相思

吳應泰望巖

妙緒聯綿細不禁藹然芳意入人深
絲絲氣息通猶未早得靈犀一點心

心持半偈定香含五蘊空空本舊諳
欲乞禪家三昧火旋教鼻觀靜中參

王初桐李湘芝聯句

日長倦繡綠窻中

桐

半晌騰騰篆滿空

芝

簾影參

差人影瘦非花非霧太濛濛

桐

高句麗裝最合時

桐

絳唇含吐細如絲芝遞來味

得氤氲氣一點蘭情是口脂

桐

沈 彩虹屏

自疑身是謫仙姝
沉瀣瓊漿果復無
欲不食人間煙火
却餐一炷淡芭菰

烟筒詩

余錫純兼五

蜀錦連頭裹長懸小史身
醉醒寧與我通塞每關
人失手難全節輕烟不禁
香琅玕吾自貴辛苦爲
裝銀

曹仁虎習菴

學得餐霞法筠竿巧製宜
吹噓長日便冷煖一心
知入手同操管隨身等
佩觿賓筵分送早便抵
淪
春旗

陳業

截得篋簪竹裝成一勺宜烟雲時吐納杖履慣追
隨直欲凌茶碗還堪敵酒卮吟邊與夢後正爾繫
相思

金堂櫟園

攜得虛心友芝蘭氣味深行時兼橐筆啟處怡囊
琴惜別勞相憶陶情喜莫禁平生山水興藉爾伴
清吟

何其偉韋人

笑問今天下何人可暫離亦知無甚味只是惹相思
客至清談後愁來冷坐時茶囊和酒袋親狎弗
如伊

王 露蘭皋

荆湘竹子蜀滇銅巧斲精鎔匠製工昔以虛心安
冷淡畱將直節示圓融橫陳瑤席霞光起倦倚蘭
闥麝氣通酒琰茶鐺成素侶幾番石火借微紅

纖質盈盈數握長一時流播滿江鄉多情愛接櫻
桃口噓氣閒熏冰雪腸情到老來知愈辣味從回

處有餘香詩翁夜半吟脾澀許爾相依近象床
不雜薰蕕氣味清靈犀一點最通明好傳呼吸仙
人訣善遣蕭閒逸客情入握儼同斑管樣頻吹不
作洞簫聲咀含味到津津處直似流涎向麴生
曾是虛中特達材奚僮雙手妙推來摸稜未免因
人熱到底何妨剩却灰月夕花期時把握旗亭幔
壁也追陪尋常掛齒初無礙玉簪牙籌莫見猜
薄霧輕雲冉冉吹朋儕聚處每交枝原知通塞無
常局不信炎涼只片時蠻嶺曉鞍消瘴氣蕉窗夜

槩佐文思淡巴菰已知名久燃熄憑渠獨主持
羅胸芳縷壓枋直夏辟炎蒸冬辟寒綺陌春遊隨
馬策釣磯閒坐設魚竿蟬金爭繡幘柳盒鑿錫空
雕鴉片盤那似此君瀟灑_其氤氲時傍五雲端

金鴻著寶函

氣在椒風蕙露先一枝斑竹本含烟折來空谷姿
原秀尉到薰爐質更堅時向口中飛白鳳每于舌
底漾青蓮自從識得相思意日日摩挲不記年
撚就芳蕤一顆圓微香吹近畫欄邊琅玕字刻家

家玉翡翠痕添朵朵烟

近日嘉定竹刻最勝有以雲南翡翠石鑲口者風

去紋簾還細裊擎來纖手不空拳若教王謝生今日揮塵閒時與有緣

綠筠倒卷小荷筒角挂絳囊頰玉瓏月社聯吟常作伴花曹鬪酒最多功千絲玲瓏龍耕後幾縷巫雲鳳管中也似靈犀通一點華池水湛味初融製度由來絕世工暗將懷抱付筠筒隔窻雲霧生衣上染壁椒蘭石手中拾翠何人情宛約餐霞有客氣空濛憶曾春雪孤蓬夜爲欲消寒喚玉僮

孫鳴鸞嘯山

結得貫簫夙世緣一經到手幾曾捐相思易惹心
中熱尋吟難教口下咽爲帶笑宣常落後每逢客
至最從先非充飢腹非消渴直遣閒情數十年

陶梁鳧鄉

天畱美箭豁羣蒙蕩滌煩襟仗汝功味領清虛資
導引垢除滓穢藉消融餐霞宛似吞丹篆吸露曾
殊勸碧筒自愛剛裁斑竹老祇愁索取錦囊空醉
心已覺穠如酒吐氣頻驚渴似虹乘興咀含添供

養得閒把握慎磨礪靈根豈或因茅塞錮疾何妨
仰火攻律轉春疑吹欲暝灰飛候訝管旋通終朝
覓句頤方解晚歲耽書嗜與同鼻飲未堪珍類玉
水沈翻恨臭遺銅噓枯潤合華泉漱幻態紛看霧
影濛茗盃藥鑪收拾盡一枝長夢在湘東

陸之櫟著山

質自圓融性自和削成三尺日塵掌攜來半作吹
簫客始信人間乞相多

煙草譜卷七

烟草譜卷八

詞

青浦陳琮愛筠輯

錢芳標蕤鮫

白嶽嵐濃綠江沙淨無端
山出有情枝葉雪正狂
時酒微醺後何物繫人思
切一念龍腰管伴紅簫
由來心熱錦囊輕裹蠻
韉小貯檀唇親齧身豈
炷香金鴨也教似線篆
痕璫結屑頰枕郎榨漿
柳子風味較伊都劣紫
玉潛銷處唾花圓地衣
成纈爲伊半晌扶頭倦
眼欲擡還怯

青門飲

何承燕

吐納櫻唇氛氤蘭氣玉纖握處堪憐脂香粉澤分
外覺清妍豈是陽臺行雨剛來是十二峯邊闌干
外風鬟霧鬢猶自繞雲烟 流連怎禁得相思暗
結閒悶難捐算消遣春愁此景爲何怪底鴛鴦繡
倦停鍼坐便爾情牽恰喜六知心小婢一笑遮嬋
娟滿庭芳

張 繫采子

竹影搖窗想花落案畫景依然奈春困難支宿醒

未解鳳團初熟獸炭猶然漫檢細囊笑拈銀管金
屑珍珍素指傳湘簾外裊雲烟一縷繚繞花前
闌干徙倚俄延漸粉腕嬌凭小婢肩任寶鴨香消
嬾添蘭麝雲鬟斜墮慵整冰鈿半晌曹騰片時掩
冉一枕邯鄲別有天還堪戀泊柔腸乍冷願與流
連沁園春

厲鶚太鴻

瀛嶼沙空星槎翠翦耕龍罷種瑶草秋葉頻翻春
絲細吐寄與繡囊函小荷筍漫試正一點溫磨相

州言詩 卷八
二
惱纔近朱櫻破處堪憐蕙風初裊 嬌寒戰回料
峭勝檳榔爲銷殘飽旅枕半欹熏透夢闌人悄幾
縷巫雲尙在濺唾袖餘花未忘了喚剔春燈暗縈
醉抱 天香

陸 培南香

沙海根移鴨汀舶販巴菰暗省芳字碎剪連脰勻
鋪夾竹縷縷翠絲分製羅囊貯沾問小管玲瓏攜
未閒悶閒愁破得南人北人都嗜 曹騰被他睡
起噴蘭膏裊來香穗愜倩石根敲火燼餘重試佳

處無言自領其雪乳
甌香較風味好和新聲休徵
故事

陳章授衣

湘箔排乾并刀縷膩
鷺兒羽盈把曲項鏤金通
中截管石火星星迸乍
疎簾暮景正櫻顙吹噓蘭
麝誰道縈懷綰抱花陰
暗香相惹移根自來海
汊種春風遍依田舍便
少論功仙錄浣愁堪藉
客到茶甌未泛領舌本
芳辛漫閒話更憶銷寒
孤篷雪夜

天香

鄭廷暘峒谷

縈霧難分撩雲不定也同膚寸俄泛敲火星紅探
蕤囊紫想像苦吟巾墊閑窗逸興算比似茶芽未
減徐吸靈犀春透分明玉池波湛湘筠一枝倚
檻忍拋他冷灰殘燄況是酒闌人靜夜寒尋念睡
鴨鑪熏漸燼但裊裊輕絲心風颭誰睡香痕碧鋪
細點

天香

朱方謫春橋

瀛島傳香問山分翠江鄉近日都有綠葉齊乾金

絲細切味比檳榔差厚玉纖拈得待吸取清芬盈
口朶朶巫雲輕颺餘痕隔簾微透 筠筒一枝在
手悶無聊儘消殘晝畱客茶鐙未熟探囊先揆最
憶宵寒時候頻喚剔春燈小紅豆幾度氤氲如中
卯酒 天香

朱 研紫岑

石火敲紅筠簟暈碧金絲細細初燃冷夢春殘甜
香午醉縹緲楚雲千片憑闌小立又夕靄霏微庭
院消受羅囊暗佩勾留蕙鑪餘篆 東風闌茶候

暖伴無聊隔花人遠尙憶晚移珠舶瑤箱輕展雨
島潮田綠遍待喚取耕龍起天半海上餐霞飛仙
舊館 天香

吳 煊荀叔

梅雨添肥梨雲送暖疎疎綠近南國溟嶠移根仙
槎載種不入人間花譜銀刀淬雪細琢就金絲千
縷恰配沉檀一點餘香暗縈窻戶 迴廊夜涼小
步瀉甘潮玉甌頻注輕壁蠻牋相伴閒吟情緒最
是倚樓人去正獨掩屏山共誰語雞舌微馨憑伊

驗取天香

王 昶述卷

綠映滄波青分海樹憑誰種向瓊島珠舶攜來花
畦種後製出香絲多少羅裳暗貯還恰值筠窻秋
曉幾度春葱輕剔閒拈碧荷簪小獸炭又殘瑞

腦撥餘熏爲禁寒峭一點絳脣開處蕙風低裊薄
醉依稀犯卯伴岑寂何須玉尊倒飛遍巫雲翦燈

夜悄天香

銀鴨烟銷玉鳧灰冷疎燈落盡殘燄小挈筠簟閒

水調歌頭
三
攜錦袋試向短檠輕點朱櫻欲破喜一縷仙雲冉
冉桃頰徐生薄暈羅衣半凭畫檻小樓晚寒斜
掩唾珠圓細黏蠻琰忽憶海天波靜載來吳艦幾
片蘭香重染奈荀令愁深賦情減怕惹相思夜闌
淒黯

前調

王又曾穀原

篋籠勻鋪銀刀細切絲絲盡化金縷葱莖點注櫻
顫含咀散作一天花霧恁般滋味比橄欖檳榔猶
愈鬢髯挑燈夜悄謾解羅囊無語相思日常幾

度把筠枝頓忘吟苦最是夢闌酒醒那回情緒石
火星星迸處漸一陣蘭香暗中吐怕不禁寒爐薰
便住 天香

許寶善穆堂

淺碧苗新淡紅花亞絲絲切戒金縷酒量微酣蘭
芬乍裊好伴綠窻殘雨緗囊半展試小約春纖拈
取珠箔銀床繡倦凭闌夜深無語 燈前翠筠慢
舉泥檀郎倚肩分與怪說昨宵底事帶羞佯吐最
是月斜朱戶似一朵芙蓉繞香霧更撥殘灰爐薰

細炷

天香

凌應會祖錫

蓬嶼春回椒耶候暖芳蕤帶露初擷細剪香絲輕
團雲片付與紫囊收拾筠筒乍試愛縷縷撩人清
絕心字休添寶篆輸他禁寒泔泔尊前漫疑醉
纈裊重簾惠風徐拂最憶苦吟無緒雀爐閒撥霞
客情懷自別又肯羨郎官吮雞舌沉澀同餐羅衿
翠浥

天香

吳泰來竹嶼

碧減蘆芽黃、分箸縷鮫宮、細剪初就艾帳、微溫蘭
缸、欲燼熏人半消殘酒、蓮筒倒捲、看縹紗金絲、縈
袖攬取巫雲、正結依稀夢闌時候、文園坐遲永
畫肯閒、將八叉吟手、最好培爐簾閣、峭寒三九鼻
觀會、叅香透、只一種相思、怎消受、付與蕉窗吐絨
笑口、天香

朱 昂秋潭

閩島香苗、蠶荒翠卉、移來遍種、瑤圃小貯筠箱、初
停海舶、巧製漫抽金縷、輕寒薄醉、恁解釋相思意

緒殘夢沉吟倚枕雙鬟點燈低語
修廊幾回覓
句試牙筓隔簾花霧記否繡囊閒展玉纖拈取隱
約朱唇啟處看一朵巫雲暗飛去茗椀纔收蘭膏
細吐天香

趙文哲升之

花厂梳風礮田漲雨高低翠色如染葉葉輕翻絲
絲細剪攜取市茶江店簫材鬪玉看小撥博山紅
閃無限烟霞况味悠然伴人無厭
幾番夢回帳
掩壓微寒繡襦初減欹枕半醺絕勝九蘭香嚴一

別心灰乍冷，但漆盡羅囊，委箱箴倚。醉尋思，閒凭
畫檻。天香

朱漢倬葯房

寶鴨爐溫金絲帳，麗池塘柳色春鎖。小撥筠簞微
拈玉，合却捲繡簾閒坐。蘭閨畫永，只帶醉看雲肩
半亸。依約蔥根細剔，羅巾粉香塵浥。鶯啼午窻
夢破，乍晴天試鑽新火，伴爾酒茶當去。嫩寒初過
嫋嫋湘筠翠，畏待散盡氤氲露珠唾。一寸相思心
灰意情。天香

張熙純策時

芳訝熏蘭溫疑麝
牙筒縷縷香噴曾
宋忘憂更憐服媚
底事遜伊清韻何
堪忍俊看小醉已
添微暈縹緲吟情
正遠明霞幾番徐
引羅囊漫愁易盡
望瓊沙翠雲連畛
試摘早春絢菜露
芽同嫩最憶甘回
舌本便一片氤氲
一窗潤無限相思
夢闌酒困

天香

朱棧恭桂泉

銀葉初銷玉鑪乍
燼憑誰更遣蕭寂
小擷羅囊重

攜筠管趁取蘭缸未息清吟欲倦看一縷輕霞漾
碧裊裊徐縈簾影霏霏暗籠牕隙 回思海天暮
色映滄波綠連芳陌幾度金刀剪罷裝來番舶最
憶酒邊花外暈薄醉微醺伴寒夕剩有殘灰春葱
細剔 天香

吳元潤蘭汀

香采瀟洲船回海市連雲草色遙野錦篋函黃筠
籠焙碧裊裊金絲抽罷鞞刀寶帶笑却稱綵囊斜
挂纔捲疎簾嵐霧微聞小爐薰麝 西窗伴伊夜

話雨廉纖燭華初炷想像玉京人去味同諸蔗索
句迴廊曲榭別一種相思筆難寫醉搵桃腮春凝
繡帕 天香

蔣業鼎蓀湄

粵嶠檳榔湘洲蕙蔭輸他品味難狀月社聯詩花
曹鬪酒鏤管慢薰簾幌紅閨繡倦更笑覷春雲飄
颺玉手曾畱艷跡紗囊最宜新棹 情絲繫人夢
想納微涼晚霞時朗甚日斗槎親泛潮沙初漲翠
島歸帆無恙謝海客芳粧遠相餉醉剔銀缸香流

桂帳天香

吳錫麒穀人

瑤草深耕瓊絲密鑣煙霞散入八世吸似荷簫敲
便石火領取炙餘風味朱櫻小破認朶朶蓮翻舌
底閒趁銀釭未滅偎衾試銷寒意 溫廉引人如
醉慰孤愁麴生差擬翠點秋衫猶記唾花香膩百
種相思欲寄奈化作巫雲又輕墜颺出紋簾合成
心字天香

吳蔚光哲甫

蕉圃澆了荔亭晒葉箱箱剉就金線繡袋勻函鏤
筒徐吸爇過着畚親換薰人沒緒噴幾葉巫雲撩
亂看被晴絲曳去花梢軟風拖散 朋來乍遲茗
盃借微醺韻于酣半擱到灰溫脂嫩匣中紅豆消
得相思並喚况荻雨烏篷火星閃一炷愁苗秋衾
夢斷 天香

許宗彥周生

玉醞靈芽霜含嫩葉相思種就仙草堆繡囊青浮
筠簞紫淺撚獸爐紅小停針暗吸看颺出柔情多

少閒傍雕闌竚立濃暑怕被花惱
底事消磨客
抱剔蘭釭片雲低繞算是最繁情緒酒闌人悄半
露萸尖小握待遞與纖纖一枝好肯教櫻唇幾絲
翠裊天香

汪如洋潤民

何處移栽種玉田佳名早傳試筠筒巧截吸來初
滿綵囊深貯探處還便石火催敲鑪香倩熱霧閣
雲窗指顧間閒庭悄鎖相思一樓消向誰邊
齒
芬牙意堪憐比爛嚼檳榔味更鮮慣引他吟興僅

呼酒後助他談屑客到茶先鼻嗅偏濃水吞差辣
嗜好人心笑屢遷風前語願牢持桂信聽我蘭言
沁園春

潘奕雋榕皋

何人種出相思草依人欲化情絲曼賦到淡巴菰
繡書故事無香銷吟未就春困針傳繡合伴一

甌茶輕圓泛乳花

菩薩蠻

姚 淳舒齋

湘筠細細巫雲朶朶風味無多較可燈前繚繞慣

遮人吹一縷清芬到我 時攜時挈隨行隨坐撚
作團團小顆香喉裏出許多情也只爲星星兒火
鵲橋仙

洪 樸素田

芳草靈苗金絲瑞葉餐來別樣清醇微消軟飽薄
褪輕寒最憐含吐櫻脣葢露鮮新配檳榔滋味一
種宜人醖美透湘筠似壚頭卓女燒春 記鬪草
歸來白波捲罷茶前酒後呼頻相思成雅癖又何
妨相近相親幾度凌晨巫雲夢惺忪爽神繡羅囊

與君終日隨身長相思

蔡春雷雲卿

睡鴨香沉飛鳬燼令絲絲忽裊烟霧錦袋閒攤湘
枝小挈還倩春葱傳取如蘭吹氣破一點朱櫻輕
吐暗祝篆成心字方便爲儂颺去絕似餐霞吸
露采花田購從行賈別種風情醉醒睡餘無主只
合荷簫遽與待好把無題試題句一寸紅灰相思
閒譜

天香

烟草譜卷八

烟草譜

題詞

隨得隨登
不拘齒爵

馬德溥心友

莫縣

淡巴菰葉茁青青聖火傳來發異聲
一管生花才子筆著成烟草譜配茶經

數典徵名廣見聞新編奇麗亦煙雲
雖然多識猶餘緒博洽而今合讓君

諸

聯晦薌

青浦

驚譜新裁訂 熙朝第一篇
舌根能辨草腴底尙

籠烟韻事揅尋遍相思滋味全誰云斷火食始可
學神仙

湯顯業蓮儂

青浦

六籍無茶字五帝肇酒名酪奴暨歡伯旋著史若
經仁草最後出紀首齊永明萬口漸同嗜結侶焚
先生煢泉挺異卉勝國尤盛稱造作快肉果醉客
疑宿醒好種及時種上上擇畦町一碧茁既茁葉
繁花亦榮采擷夏涉秋居然等西成赫曦仗烘炙
燥濕蘄均平筠筒削寒玉骨節犀通靈其本穴金

鐵其末嵌瑤瑛其香取內蘊其氣主上升納之如
文法堆垛戒滿盈吸之如妙語吞吐爲拒迎初如
東橐熾蓬鬆然作聲繼如葭管吹頃刻飛灰輕菲
菲蘭麝馥藹藹雲霞蒸梁肉易屬麝果蔬起嫌憎
擯此詎飢渴痲癖偏因仍華堂集彥會各似銜蘆
鳴小史執籥侍散人吹簫行遂令詞賦家箋詠加
品評肖物辨厥性數典信可徵蒐羅誰最富續學
今陳登鴻筆繼釋草部次極研精詩文佐攷鏡不
日付汗青戰茗力悉敵飲醇歡得朋相思我正苦

推窗問柳星

沈學淵夢塘

寶山

海國春生一縷烟
漁梁嶺外碧芊芊
芝房製作尋常事
爭補熙朝瑞草篇

著述年年拚竹扉
銀囊不捲讀書幃
攜來左右雙筠管
澹墨濃香玉屑霏

茶力初濃酒未醺
檢書屬草染蘭薰
陸家經與蘇家譜
齒頰流芳定讓君

截竹爲筩暖律吹
終朝伴我撚吟髭
何如小閣明

缸畔呼吸烟雲滿幅時

陸之槐著山青浦

餐霞有客費搜研辟瘴消寒得氣先曾付葯籠推
妙手又添詩料拍吟肩烟雲吐出攜雙管甘苦嘗
來積十年一自懺除塵業盡會從香火結因緣

劉瀨小槎通州

相思滋味問何如采入名山好著書丹轉會分爐
上火青雲直上藉吹噓

何關酒債與茶租逸韻橫生領得無展卷已教香

氣滿不須復買黑於菟

頓看綺室盡氤氲冉冉如蘭細吐芬應怕此心容
易冷閒來常把繡腸薰

小盒輕攜客到時十年心事此君知生來自有生
花筆譜出烟雲合一枝

何其偉書田

青浦

食以療飢飲解渴二者缺一不生活有非解渴非
療飢竟未須臾離此物此物於古書無之烟草詠
自唐人詩產諸呂宋種閩嶠祛寒辟瘴功兼資初

入中華稱火異明季童謠驚徧地相沿逮今風頓
移千萬萬人口同嗜嗜之尤者韓尙書魚熊去取
深躊躇後有太鴻亦至好恨少題詠傳巴菰陳君
夙號餐霞客兔管筠筒兩難釋慨然三喚菸先生
涖溪居士有菸先生傳蓋謂烟筒也含芬弗揚是誰責君不見酒有
史茶有經醴侯森伯從人評衆口未知味外味品
題始得流芳名爾名非古却宜世合采新聞期新
製風流可繼韓厲傳益人與否姑勿計

潘信紆南陔

青浦

烟記得莊嚴經號菸呼龍種瑤州滿磴田

十六字令

煙肇錫嘉名三百年憑誰譜典籍共流傳

前調

蔡春雷雲卿

青浦

瓊島耕雲蠻鄉蒔雨濛濛散含香霧藥錄新收茶
經繼載風味從今領取祛寒辟瘴甚恁地欲吞還
吐莫是仙家火食人間卻教傳去 幾經蕙風蘭

露向漳汀載歸吳賈故事誰徵賸有風騷宗主除

却群芳別與又玉陵金題采吟句新話南湖木棉

同譜

調寄天香卽次碧雲香雨樓詞集韻木棉譜上海褚文洲華著載入菰海珠塵中

魏

容約菴

嘉興

唐陸羽著茶經宋竇革作酒譜

聖朝瑞草芬芳

畱得新編君補

粵徼香苗初茁閩山翠卉遙傳恨余不解此味看

人日日凌烟

余素不食烟

金鳳藻芝生

嘉定

石湖不耐喫檳榔未試金絲絕品香今日相思拋

不得草經補後要平章

一種根塵鼻舌連誰從香火叩因緣慧珠遍記瑤

方以臺春賦

青浦

小隱岑谿感瑟居筠簞象管日相於吟安一字撚
髭後結想千秋抱膝初茹栢餐香無俗韻揚芬摛
蓀有奇書酒經茶錄羣芳譜莫說今人定不如

張光烈祝泉

婁縣

返魂香自淡巴來勝國時曾徧地栽却笑前人都
艸艸煙雲世界自君開

酒罷輕噓解宿醺茶餘細吸發清芬恰從酒譜茶
經外又占千秋翰墨勛

宋 鈞吟於婁縣

瑤島風清長綠萼移來佳植樹春畦芳名百種渾
難辨畱與騷人細品題

香絨小貯滿囊春萬里雲山慰苦吟自有相思拋

不得非關思婦憶征人

述異記載秦趙間有
相思草出思婦塚上

鑱鐵輕敲石火明幽閒畫出景昇平瓊絲入手

休狼籍也是腴田種得成

揮塵清譚稱靜居茶經酒譜恰相如一編在手焚
香讀爭似瑯嬛未見書

州言
是言
華勝好語都教一一穿

陸我嵩礫莊

青浦

詩人餘事粲花罪例仿丹經薜錄宜採入青編皆
故實生憐紅豆是相思一篇香草風騷續四座清
譚露品奇料得夜燈紛校注樊川榻畔蕤蘭絲

家家湘管碧雲含瘴嶺風光與細探組雜酉陽評
硯北歌徵子夜憶江南盟來桑苧茶星補隱去通
明藥味參呼吸未諳還自笑
嵩生平未嘗此味
拾君牙慧
尚流甘

金鳳奎東梧

嘉定

古人製飲食茶酒皆有譜菸草最後出明季入閩
土其種來淡巴今則徧寰宇瘴膈藉以辟嚴寒藉
以去維天生一物利用亦云鉅爾雅名未釋本草
類難數何人爲紀載芳名悉訓詁吾聞韓元少雅
好日飲茹題品屬門人詩歌在何許又聞汪抒懷
譚書厯寒暑欲成金絲錄其書猶未覩今君稱博
洽事事錦囊貯搏撿盡詞家按羅及說部選義而
攷辭羣分又類聚齒頰畱芳馨烟霞自沉痾當與

茶酒經各自成千古

徐

僕蘭吟

青浦

天爲熙朝生瑞草飽可使飢飢使飽筠管攜來
噓吸頻滿室雲烟看繚繞舌端滋味妙難傳一概
閒愁能除掃辟瘴消寒更有靈種從呂宋能談討
有客搜奇手訂裁佳話紛紛作新稟年來吾亦解
相思瀏覽瑤編特傾倒

張旋吉味閒

松江

噓氣成雲嗜欲狂誰曾舉典費平章譜行直是空

今古收拾烟華入錦囊

遇物知名推博洽
說於蒿艸少前聞
腹中不是便
便者難建金絲翰墨勲

劉廷杓蘭坡

通州

擗管興悠然能生滿紙烟
毫端收不盡舌底吐青蓮

嘗遍草中滋味修成世上神仙
不續茶經酒史偏從鼻觀參禪

搜羅瑤草付瑤編
采藥名山已十年
結得清緣會

消受晚窗微醉曉牕眠

侯士鶚雪亭

上海

管領羣芳已廿年人間烟火亦神仙閒來譜出相

思草不數詞人紀木棉

吾鄉褚秋岳
著木棉譜

高臥元龍百尺樓揚芬采秀費研搜奚囊檢點皆
詩料畱與騷壇作話頭

陸德容蕙田

青浦

葢露奈糖品最奇茶餘酒後慰相思名傳閩嶠絲
千縷味逐湘川竹一枝騷客倦吟明月夜美人停

繡晚風時知君本是餐霞侶譜得新編絕妙辭

金

松夢徵

嘉定

熙朝珍瑞草逸士譜新篇不惜齒牙論因成香火
緣金絲憑管鑊因果得薪傳爲問芝蘭室青藜幾
度然

夫子雲間秀名山著作師凌烟虛夙願香草寄相
思性共已菰淡詞緣葢露摘此中有真味料得少
人知

許安泰澹雲

雙縣

繡閣書堂寂寂時銷愁何物最相思携來三尺湘筠管呼吸通宵伴詠詩

草仁火聖總名菸譜訂於君第一編典故遍搜徵博雅茶箋藥錄並流傳

沈朝楷少白華亭

著成譜錄繼韓門玉屑金絲竝討論禪榻氤氲茶未熟客寮噴薄酒纔溫芳蘅不丐騷人韻斑竹頻招怨女魂彷彿同心譚一夕如蘭臭味有鬚根

陳瓏古芸青浦

伯仁作酒史君謨著茶錄多才嘉胄緝農桑博雅
嵇含狀草木古來名士半窮經野乘叢譚佐天祿
方今嗜好重巴菇昔傳呂宋今爭趨辟瘴祛寒需
葢露船唇驢背羨於菟是草神農洵未嘗相思觸
處擾柔腸茹時味外非無味咀後香餘別有香阿
兄素負安間志話雨嘲風多藻思占候裁成月令
篇按圖補出名山誌一燈如豆惜三餘更復平生
喜讀書點勘奇文分亥豕校讐逸典註蟲魚

兄自詩文

集外有雲間山史二十四節氣解數種并
註昭明錦帶書夏小正等書將刊以行世頻年况

抱餐霞癖日飼金絲等仙液出處流傳悉品評詩

文製治俱詮釋伊予耳食嗟何補玉牒金函未快

靚欲疏靈黠與純鱸恐誤蹲鴟并杖杜

子曾擬作眼鏡蓴菜

鱸魚諸志緣見聞淺

故有志未逮云欣觀此譜精且博勤撥不美

倪一

師韓

作何須曼倩紀探春豈並浮邱還相鶴

從今縹帙付雕鏤吉貝人篋好共傳

諸文洲有木棉譜陸梅谷

有人參譜

尋常著錄休相擬此是

熙朝瑞應編

陳淵泰上之

青滿

吾家大阮筆如椽著述芸窻已廿年意氣肯居樓

百尺文章滿貯卷三千料量露品添佳話收拾風
騷補舊編他日茶神當比例焚香也合奉煙仙
嗜烟尤至厲樊榭執管不離韓慕廬獨惜無由疏
草木有誰還與註蟲魚今將一種相思草譜出千
秋未見書雅帙家家應共賞蠶經蟹畧定何如